



Na osnovu člana 23 Statuta Brčko distrikta BiH («Službeni glasnik Brčko distrikta BiH» brojevi 1/00, 4/00 i 7/00) i člana 45 Poslovnika Skupštine Brčko distrikta BiH («Službeni glasnik Brčko distrikta BiH» broj 11/03), a na osnovu prijedloga klubova zastupnika skupštinske većine o usvajanju Rezolucije o osudi ratnog zločina i genocida u Srebrenici, Skupština Brčko distrikta BiH na 16. sjednici održanoj 30. juna 2005. godine, donijela je

REZOLUCIJU

O OSUDI RATNOG ZLOČINA I GENOCIDA U SREBRENICI

I

Jedanaestog jula 2005. godine navršava se deset godina od ratnog zločina i genocida nad Bošnjacima Srebrenice.

Skupština Brčko distrikta BiH osuđuje ovaj zločinački i genocidni akt.

II

Skupština Brčko distrikta BiH osuđuje i sve druge ratne zločine počinjene nad Srbima, Bošnjacima, Hrvatima i ostalim građanima širom BiH, uključujući i Brčko distrikt BiH.

III

Najenergičnije insistiramo da predstavnici institucija zaduženih za hapšenje ratnih zločinaca privedu sudu pravde u Hagu i domaćim pravosudnim institucijama sve odgovorne za ratne zločine.

IV

Skupština Brčko distrikta BiH zahtijeva od svih institucija da se odmah otkriju i ekshumiraju sve masovne grobnice, sazna istina o nestalim, izvrši identifikacija žrtava i osigura dostojan ukop.

V

Brčko distrikt BiH, lokalna zajednica multietničkog življenja, i njegova izabrana Skupština ovom rezolucijom o osudi genocida i ratnog zločina iskazuje solidarnost sa svim žrtvama i suosjećajući sa onima čiji su najdraži žrtve ratnog zločina s jasnom porukom da se ovakvo zlo nikada više ne ponovi.

Broj: 0-02-022-114/05
Brčko, 30. juni 2005. godine

PREDSJEDNIK
SKUPŠTINE BRČKO DISTRIKTA BiH

Prof. dr. Milan Tomić